

უნდა ავლავდეთ
საბჭოური კანონის ქუსლით
ყველა ნარკომან-ქვეყარავალი!
ნარკოტიკებით მოვაჭრავს
გავევლოთ ვუსრი! -
გადავურჩინოთ ეს მომავალი!



ნახ. ზ. ზორაძისა

№ 13 ივლისი
1986

ნიუსთა

ვახ, ტიკო, ნარკოტიკო!

ამ სიმღერას ბნელში კარჩაქეტილში ჩუმად მღეროან, თუმცა გულითაც რომ უნდოდეთ, ხმამაღლა ვერც იმღერებენ მისი მოყვარულნი, რადგან სხვა ადამიანურ ღირსებებთან ერთად ხმაც წართმეული აქვთ, ამას ემატება კანის სიყვითლე, ლორწოვანი გარსების სიმშრალე, ყაბზობა, უმადობა (უიმედობაც), წონაში დაკლება, ხოლო რაც შეეხება ჭკუას, აქ გარკვევით ვერაფერს ვიტყვით, მივუთითებთ მხოლოდ ლექსიკონზე, სადაც წერია, ნარკოტიკი ბერძნული სიტყვაა და ქართულად გამაბრუებელს ნიშნავსო. ჰოდა, ნარკოტიკებით გაბრუებულ კაცს, ცხადია, ჭკუაც აღარ მოეთხოვება!..

აქედან მხოლოდ ერთი დასკვნა უნდა გავაკეთოთ: სიმღერის — „ვახ, ტიკო, ტიკო, ნარკოტიკო!“ — შემსრულებელთა კონკურსის მონაწილეთათვის არც ჭკუის ქონაა სავალდებულო და არც სინდისისა, მოქალაქეობრივ ვალდებულებასთან ერთად მოყვასის პატივისცემასა და სიყვარულს რომ გულისხმობს. საჭიროა მხოლოდ ნარკოტიკებით გახურებული გოგრა, რაც შინაგან და გარეგან თავისუფლებასაც ანიჭებს კონკურსის მონაწილეს, საშუალებას აძლევს შეასრულოს სიმღერა სხვადასხვა გადასვლებით (ოთხფეხზე, მუხლისთავებზე, იდაყვებზე და კისერზე, აგრეთვე მალაყებზეც) და ვარიაციებით (პანტაპონური, ომნობონური, ჰერონიული, მარინუანული და სხვ.).

სწორედ ასეთი ვოკალური და კოკაინური მონაცემებით შეასრულეს ეს სიმღერა და კონკურსის ლაურეატები გახდნენ შემდეგი სა... ჰაშიში „ნახალნაგლები“:

1. **ედუარდ სარქიხის ძე სიმონიანი**, რომელმაც ამ სიმღერის შესრულების დროს მოაგროვა გამსვლელი ჭულა — 0,5 გრამი ოპიუმი და უკვე მესამეჯერ მოიპოვა პრემია — ხუთი წლით თავისუფლების აღკვეთა. ამით ასახელა თბილისის დასახლება ვაზისუბანი, სადაც იგი ცხოვრობდა.

2. **გოჩა რობერტის ძე სადრაძე** — ეს ახალგაზრდა მახარადის რაიონის სოფელ შემოქმედიდან შემოქმედებითად შეუდგა სიმღერის შესრულებას, კი დააგროვა ჭულები (1. 416 გრამი ჰაშიში), მაგრამ გამოუცდლობის გამო მაღალ რეგისტრში ხმა აღარ ეყო და ორი წლით თავისუფლების აღკვეთას დასჯერდა.



3. **რომან რუბენის ძე დევდარიანი** ქუთაისის სახელით მონაწილეობდა კონკურსში და თანაც უკვე მესამედ მანაც ფინალში გამსვლელი ჭულა მოიპოვა — 0,7 გრამი ოპიუმი და მასვე მიენიჭა პრემია — ათი წლით თავისუფლების აღკვეთა.

4. **ლევან მიხეილის ძე დარჩიამ** სიმღერა შეასრულა პირთან მიტანილი ჭიქით (რეზონანსისათვის), თანაც ავტომანქანაში მჯდარმა, მანქანის გამოყუენებით მან დააგროვა 36,312 ჭულა-გრამი ოპიუმი, მაგრამ, როგორც კონკურსში შემთხვევით მონაწილეს, ორი წლით თავისუფლების აღკვეთა აკმარეს.

5. **დავით ანტონის ძე დუმბაძემ** შესაშური ტექნიკა გამოავლინა სიმღერის ანაშური შესრულებით და დააგროვა პირველი საპრემიო ჭულა — 2,2 გრამი. შემდეგი ტანსაცმლის შარბურით ჰაშიშური იმღერა და 680 გრამი დააგროვა, რისთვისაც პრემიად მიესაჯა 4 წლით თავისუფლების აღკვეთა.

6. **ვალერი ბიქტორის ძე ტროფიმენკო** — საკავშირო მასშტაბით ცნობილი მელომანი და ნარკომანი ანაშურის ადრე ბავშვური, ახლა კი ვაჟკაცური შემსრულებელი. მან ყველა ვარიაცია უნაკლოდ შეასრულა და მხოლოდ მორფინულში გამოურია ფინის წკაცწკავი. დაჯილდოვდა ლაურეატის დიპლომით — ქონების კონფისკაციითა და ცხრა წლით თავისუფლების აღკვეთით გაძლიერებული რეჟიმის შრომა-გასწორების კოლონიაში მოხდით.

7. **თეიმურაზ კუბატაძე** — გარდაბნის რკინიგზის სადგურის მატარებლების შემდგენელი — ზოგჯერ ბანს აძლევდა „ვახ, ტიკო, ნარკოტიკოს“ შემსრულებელს და მხოლოდ საჯარიმო ჭულები დააგროვა, მაგრამ, როგორც ცოლშვილიანს, ანგარიში გაუწიეს და ჯილდო მიიღო არგუნეს — იძულებითი მკურნალობის დიპლომი და ორი წლით თავისუფლების აღკვეთა.

ეს შესანიშნავი შვიდეული კონკურსის პირველ ტურში გამოვლინდა, მომდევნო ტურების ლაურეატებს სულ მალე გავცნობთ!

ს. ხვამელი



უსიტყვოდ




სამ ავიმეიოთი სუყვალამ!

საქართველო
გურამ კლდიაშვილი



— ნახე, რა მალე გაება ეს საცოდავი!..

დღისით და მზისით
ჩვენს თვალწინ
დადის სიკვდილის
მთესველი,
რომ მომავალი
მოგვისპოს,
ამოგვიძირკვოს
ფესვები!..
ბაცილებივით
ავრცელებს
ოპიუმებს და
ანაშებს!..
არ ურიდება
არაფერს —
არც თავისმომჭრელ
თამაშებს,
არც ქვეყნის დალატს
თაკილობს,
არც სასიკვდილო
დაცინვას!..
ავრცელებს შვილთა
აკვნებში
ერის დამღუპველ
ვაქცინას!..
ის კაცთა მოდგმის
მტურია,
დაწყვეტილი და
უღირსი,
რომ მოსპოს
სხვათა ნაგრამი
თავის არამი
ლუკმისთვის!
დაძრწის ორფენა
კაცუნა
სამსალთით სავსე
გიდელით, —
ეს ნაძირალა,
ავსული,
მორფინისტ-
გადაწყვიდველი!..
დაძრწის და
დააქვს სიკვდილის
ანრდილი კარით
კარამდე!..
შვილთა ნაბოძებ
სიცოცხლეს
რომ გვართმევდეს და
გეპარავდეს,
რომ შევრჩეთ
შთამომავლობას
უშვილოდა და
უძიროდ!..
სმა ავიმადლოთ
სუყველამ,
რომ ჩვენს მომავალს
ეუმზიროთ!



ნახატები მ. აბაშიძის, ჯ. ლოლუასი და მ. კამბარიშვილისა.





ქართული ხარხა

- დიდება და ხანელი შრომის ხელშეიარაღი.
- ამ ქვეყანაზე მხოლოდ პატიოსნება ლაპარაკობს უენოდაო.
- პატიოსან კაცს ძილი არ გაუფრთხებო.
- პატიოსნება ფულით არ შეიძინებაო.
- ნამუსისათვის ამოვა უღვაში, თმა და წვერია, რაც გინდა ელაპარაკე, თუ კაცს არა სცხვენია.
- ვაჟკაცი სადაც შერცხვება, იმის სამარც იქ არის.
- სირცხვილი სიკვდილიაო.
- სინდის-ნამუსი რჯულ-სამართალიაო.
- სინდისს კბილები არა აქვს, მაგრამ კბენა კი იცისო.
- წყალი ყველაფერს გარეცხს, ნამუსის გარდაო.
- სინდის-ნამუსი კეტზე მაგარიო.
- ზოგიერთმა კაცმა იცის, გაძლება და გაგორდება, რაგინდ საქმე უხდებოდეს, საქმე აღარ აგონდება.
- ოქრო რომ ამოტივტივდება, სამართალი დაიძირებაო.
- პატარა ძღვენი და — დიდი სირცხვილიო.
- სადაც ფული ჩხრიალებს, იქ სიმართლე ხრიალებსო.
- სიზარმაცე სიღარიბის გასაღებიაო.
- ალალი კაცის ჭირიმი, ალალი სული ამოსდის; ღმერთმა დასწყევლოს არამი, არამი სული ამოსდის.
- არმად ნაშოვნია არმად წავაო.
- ვინც მდიდარია ფულითა, ის ღარიბია გულითა.
- ფული მოსამსახურედ კარგია, ბატონად კი არ ვარგაო.
- ღორმუცელა კაცის აშენება არ შეიძლებაო.
- სარბის თვალი არ გაძლებაო.
- მუცელი მადლობას არ გეტყვის.
- მუცელი ჩემ ქვევით არი, ჩემ ზევით არაო.
- საოხრო და სატილო შინ არ შეიტანებაო.
- სიხარბე კაცს ჭკუას წაართმევსო.
- ეს ზოგი კაცი რასა ჰგავს, ან ცხოვრობს ნეტარისთვისა?! — რასაც იშოვის, იპოვის იმ ერთი შავი დღისთვისა, არც თავის თავზე დახარჯავს, არც სხვისთვის, არცა ღვთისთვისა; გადაბრუნდება, მოკვდება, დარჩება ეშმაკისთვისა.
- გაძლომას ძროხაც მიხვდებაო.
- კაცი, ხალხისა ქებითა ნუ გაიდიდებ თავსაო, დღეს ერთი ყვავის ყვავილი, ხვალ შლილობა აქვს სხვასაო.
- ნუ სცრუობ, ნუ ამპარტავნობ, ნუ ეთელები ქალთაო, გაჭირდეს — გამოექცევი ამოდერებულ ხმალთაო!
- გლახა ამპარტავანი მიწას ემძიმებაო.
- ძალიან ნუ აიწევი — მაღლა ღმერთიაო!

- სიმართლე გაშლილი სუფრაა — რომ დაიკეცოს, ისევე გაიშლებაო.
- სიმართლე ბოლომდე გასჭრისო.
- სიმართლე ზღვაში რომ გადაადგო, არ დაიკარგებაო.
- სიმართლე თქვი და — მკვდარი ადგებაო.
- სიმართლის წინ მთებიც კი თავს მოიხრიანო.
- ავის მქმნელს ავი დაემართებაო.
- ავკაცობა არავის შერჩენია
- ვისაც სიმართლე არ უყვარს, მართლის მთქმელი ეჯავრება.
- იცოდე, კუტი სჯობია კაცსა — ცუდ გზაზე მავალსა; ქვემძრომი გველი სჯობია სამშობლო ქვეყნის მტარვალსა!
- პირმოთნე კაცი მტერზე უარესიაო.
- პირში მაქებარი ეშმაკის მოციქულიაო.
- ბოროტს და უნამუსოს ვინც არ მოშორდება, მისი ფერიაო.
- ნამუსის ძაფი წმინდაა, უნამუსობისა კი — მსხვილიო.
- ნამუსიანს ერთი უთხარი, უნამუსოს — ათასიო!
- მთვრალი ეშმაკის ძმაო.
- ღვინო გართმევს გონებასაც და ქონებასაცო.
- თუთრისა თხისა ციკანსა შორს შეეტყობა ვაცობა, დღეს ღვინო გალაპარაკებს, ხვალ ვნახოთ შენი კაცობა!

შეკრიბა ალექსი ჭინჭარაულა

ქართული ხარხა!
 ვეარუჯინოსებრ
 ჩვენ მიუვაქვს ერთი
 რივი მუხსნების,
 ერთი სუშობროს სუვარყრადი
 რა უკაროუსი აშეიოსნებრ.
 ერთი შესაქვს რა ევროსნებ
 ქართული ხარხა! (აქ), იყნებ.
 ყველაფერს ქვეყნა მშენებნი ანთებ
 ისე რა ისე შედრასნებ!
 ქართული



უსიტყვოდ



ჩვენ სწორად იოლად წამოვრავთ სულს და ვამბობთ — „ორი-სამი წუთით!“ მაგრამ იცით კი, რა შეიძლება მოხდეს თუნდაც სამ წუთში?!

სამ წუთში კონტინენტიდან კონტინენტზე ტელეტიპით შეიძლება გადავცხო დასალოებით 320 სიტყვა. 320 სიტყვა კი იმდენია, რამდენიც ვალაქტიონის ცნობილი ლექსები: „მერი“ და „უსიყვარულოდ“ ერთად აღებული. სედავით, რა ადვილია შედევრების კონტინენტიდან კონტინენტზე სწრაფი რეკლამირება? მოფიქრება თქვით, თორემ დღეს ბეჭდვა აღარ ჭირს.

სამ წუთში თბილისის „დინამოს“ კარში ორი პენალტის დანიშვნა შეიძლება, როგორც ეს შარშან მოხდა ოდესის „ჩერნომორცთან“ შესვედრისას.

ერთი ღერი სიგარეტზე სამუშაო დროის ზუსტად სამ წუთს კლავს. თქვენ თუ საშუალოდ ერთ კოლოფ სიგარეტს ეწვეით, ამან მთელი დღის განმავლობაში შეიძლება საათსაც გადააჭარბოს. ეს, რაც შეეხება სიგარეტს. ჩვენ არაფერს ვამბობთ ჭადრაკზე, შაშხზე, დომინოზე, კოსმეტიკაზე, საუბრებზე, თითო კათსა ლუღსა და სხვა ამგვარ წვრილმანებზე.

სამ წუთში თანამედროვე მოდერნისტ-პიანისტს შეუძლია შეასრულოს სამნაწილიანი საფორტეპიანო სონატა კლავიშებისა და ბგერების გარეშე ისე, რომ თითიც არ გაანძრიოს. ეს ერთადერთი იოლი მოდერნია, რომელიც ნებისმიერ თქვენგანს შეუძლია შეასრულოს ყოველგვარ ინსტრუმენტზე, ელექტრონულზეც კი.


სამ წუთში დედამიწის მოსახლეობა საშუალოდ 600 კაცი იზრდება. ეს ტემპი რომ საქართველოს მისცა თუნდაც ერთი თვის განმავლობაში, ჩვენი მოსახლეობის რიცხვი 14 მილიონს მიაღწევდა. სხვაზე რომ არაფერი ვთქვათ, აქედან უთუოდ შეირჩეოდა ორი კარგი საფეხბურთო გუნდი და შეიძლება მესამესთვისაც გამოვკვარა სელი.

სამ წუთში ცენტრალური გათბობის ბატარეის ტემპერატურა პლუს 20 გრადუსიდან (ჩვენ მაქსიმუმს ვიღებთ!) მინუს 5 გრადუსამდე შეიძლება დაეცეს და კომუნალური მომსახურების განყოფილებაში ტელეფონის ასამდე უიმედო ზუმერი გაისმას.

თუ თქვენი საათი დღე-ღამის განმავლობაში სამი წუთით ჩამორჩება, წელიწადის განმავლობაში იგი მთელი 18 საათის ეკონომიას მოგვცემს.

ესეც ჩემი 230-ე სიტყვა და უკვე ამდენი ინფორმაციის მოწოდება მოვასწარი, სამი წუთი ჯერაც არ გამისრულებია. ამ წერტილიდან კი 320-მდე ჯერ კიდევ 30 სიტყვა დამრჩა; მაგრამ დაე, იგი თქვენი ფუძეში იყოს, რათა უკეთ აწონ-დაწონოთ ყოველი წუთის ფასი და მნიშვნელობა!

ზაზა ქიქლაქა



— შენ ამ თავს მასე ნუ უყურებ! — მივიყვან ახლ-საწყობში და მთელ დანაკლისს ამას დავაწერ!

როგორც ხელა! არ გინდა, ამ ხუთ-ვაში გაგრამდე გაძლება? — ჩაილაპარაკა შეწუხებულსანინმა ქალმა და ვაგონის ფანჯრის სანელურს მიაპყრო საცოდავი მზერა, — კაცი თითქოს გონს მოეგო, ადგა და ფანჯარა ჩამოსწია.

— დასასვენებლად მიემგზავრებით, არა? — გადადგა პირველი ნაბიჯი ვაცნობისკენ კაცმა.

— დიახ!
ქალმა ჩანთიდან რომელიღაც ფრინველის ბოლოსავით ლამაზი, ყვავილებით მოხატული მარათ ამოიღო, გაშალა, პერი განინავა და ქართლის პეიზაჟებს დაუწყო ცქერა. კუბეში პარფიუმერის საამო სურნელი დადგა.

— მეც დასასვენებლად მივდივარ, ოღონდ ბიჭვინთაში, — გაუბა საუბარი კაცმა, — ადრე გაგრამი დავდიოდი. ეს ბოლო წლებია, ბიჭვინთისკენ მიმიწევს გული, რატომღაც შემეძვირდა საოცრად.

— ბიჭვინთამ მოჯადოება იცის. ბევრჯერ დამისვენებია მანდ. — თქვა სინანულით ქალმა.

— ვერ იტყვი, რომელი სჯობს, გაგრა თუ ბიჭვინთა, — განაგრძო კაცმა. — სომ გითხარით, ადრე გაგრამი დავდიოდი დასასვენებლად, რატომღაც, ეს ბოლო წლებია, ბიჭვინთის სილამაზით ვტყები...

— არა, ბიჭვინთა მართლა საოცრებია, მოჯადოება იცის! — გაიმეორა ქალმა.

— ლიძეაში მიყვარს დასვენება, — აშკარად შეეტყო მღელვარება ხმაში კაცს, — აქეთ უნაპირო ზღვა, იქით — მინიატიურული კამკამა ტბა, ორივეს ერთად მარადათოვლილი კავკასიონი გადმოჰყურებს. შემოგარენი ველურ ყვავილებსა და ბუჩქის კორომებს დაუფარავს. ნაკრძალად გამოცხადებულ ზონაში უხვად ბუდობენ წყლის ფრინველები. ტბა საესეა გარეული იხვებით, მათი მწკრივად ცურვისა თუ ფრენის ცქერას არაფერი ივალბია... ერთხელ მეგობარი მოგვიყვა, თუ როგორ აფრინდა ტბის პირას თეთრი ბატი. სეირნობისას ის ადგილიც მაჩვენა. თითქოს ჩამესმის კიდევ იმ ბატის ფრთების ფათქუნნი!.. მოკლედ, ზღაპრული მხარეა ბიჭვინთა! — დაასკვნა საბოლოოდ კაცმა.

— მე კიდევ ლერწმნარი მიყვარს სანაპიროზე! — კი არა თქვა, თითქოს ამოიმღერა ქალმა. ეტყობოდა, უამესი მოგონებები აკავშირებდა ლერწმნართან.

ლერწმნარის სხეებაზე ცეცხლი წაეკიდა კაცს. დაბნეულად გადაისვა თავზე ხელი, საყელო გაისწორა... — შარშან ბიჭვინთიდან ლერწმის თავილების კონა წამოვიღეთ... ახლაც მიწვევა ლარნაში. ასე მგონია, იმაზე ძვირფასი არაფერი მაქვს სახლში. ღეროები გრძლად დავუტოვეთ. ვაგონში რომ ძლივს შევიტანეთ, წარმოიდგინეთ, რა დღეს დაგვაყრიდა ტაქსის მძღოლი. „ჩვენ ნება არა გვაქვს, ლერწმის თავილებს მანქანის უკანა სალონის კარიდან თავი გავაყოფინოთ!“ — გვიმტკიცებდა იგი, მაგრამ ბიჭვინთიდან ჩამოტანილ ლერწმებს თბილისის სადგურზე სომ არ დავამტვრევდით?!

— თქვენ პოეტი სომ არ ბრძანდებით? — იკითხა ქალმა.

— არა, — გადაასხა ცივი წყალი, — პოეტი არა ვარ, მაგრამ ძალიან მიყვარს პოეზია! „მატარებელი მცხეთას გასცდა, საოცნებო და საუნუკარი...“ — თითქოს ბეჭედი დაუსვაო თავის ნათქვამს. „მამაკაცის დედაკაცთან ყურს ჩამესმის საუბარი“, — განაგრძო ქალმა.

— უაზრავად, თქვენ სომ არ ბრძანდებით პოეტი? — შეუბრუნა კოხია კაცმა.

ჩა პეკარია!

საქართველო...

იუმორასკა

— არა, — მიუგო თავის მხრივ ქალმა და ზუსტად კაცის სიტყვები გაიმეორა! — პოეტი არა ვარ, მაგრამ ძალიან მიყვარს პოეზია!..

— ეტყობა, ჩემი არ იყოს, მურმან ლებანიძის ლექსები მოგვონთ! — ჰკითხა დარწმუნებით კაცმა.

— კი, ძალიან მიყვარს მურმან ლებანიძის პოეზია!.. ერთხელ ჭიორაში ვნახე მურმანი, გაჩერებასთან ქვაზე იჯდა განმარტოებით, სიგარეტს ეწეოდა...

— მურმანს მე ახლოს ვიცნობ, — მოიწონა თავი კაცმა. — „მარეკები შლიდნენ ბანაკს, ქარი ჩამიჩუმით ქროდა...“ — დააფოლანათქვამს ეს სტრიქონი.



— „ვიწიქ, რომელიღაც ბალახს უნებ — ქალის სუნი ჰქონდა...“ — წაართვა სიტყვა ქალმა.

ამასობაში მატარებელი მცხეთასაც ვაცნდა, გორსაც. ირგვლივ ყველაფერს მათრობელა სუნი ჰქონდა...

— ამდენი ხანია ვსაუბრობთ და ერთმანეთის სახელები არ ვიცით! — ახლავა მოეგო გონს კაცი.

— ლალი მქვია. — ააციმციმა თვალები ქალმა.

— გივი! — შეაგება კაცმა.

წამით ღუმილის ანგელოზმა ჩამოიფრინა... — უაზრავად, სად მოღვაწეობთ? — ჰკითხა კაცმა, უფრო იმიტომ, რომ უხერხული სიჩუმე დაერღვია.

— მე მეორე გაერთიანებაში. — სად?!

— მეორე გაერთიანებაში. — მეორე გაერთიანებაში? — გაიკვირა ვაჟმა. — მეც მანდ ვმუშაობ!

— თქვენ რომელ განყოფილებაში? — შეუბრუნა კითხვა ქალმა.

— მესამეში. — რომელში?!

— მესამეში! — რას მუშაობთ?!

— ახლა ქალმა ვერ დაფარა გაოცება, — მეც მესამეში ვმუშაობ.

— რომელ ოთახში? — უკვე ცმუკვა დაიწყო კაცმა.

— 29-ში. — რას მელაპარაკებით?!

— მეც 29-ში ვარ!.. — რომელი წლიდან მუშაობთ?

— 1960 წლიდან. — ერთად დაგვიწყია მუშაობა! — წამოიძახა ალტაცებით კაცმა.

— როდის დამთავრეთ ინსტიტუტი? — ჰკითხა ანთებული სახით ქალმა.

— 1960 წელს. — დღის დასწრებული განყოფილება? — დიახ!

— მეც დღის დასწრებული დავამთავრე სამოც წელში. — რა სპეციალობით? — აუფაკლა სახე კაცს.

— მეთოდების დანერგვის... — არ გადამრიოთ?!

მეც მაგ განხრით დავამთავრე!.. — საგზური ვენერამ მოგვათ, არა? — იკითხა დაბნეულად ქალმა.

— სხვა ვინ მომცემდა?! — უპასუხა გაკვირვებით კაცმა.

— მეც მას გამოვართვი, გაგრის საგზური ილა ჰქონდა დარჩენილი!

— რა პატარა საქართველო! ყველანი ერთმანეთის ნაცნობ-მეგობრები ვართ! რას ვიფიქრებდით ახლა ან შენ, ან მე, რომ აქ შევეხვედებოდით ერთმანეთს?!


— მაში! — დაუდასტურა ქალმა. — ამასობაში მატარებელმა წიფის გვირაბს მიაკვილა...

სოვალდი პარტიია

ნახ. 3. კუციახი



უსიტყვიოდ



ნან. ზ. ხოსიტაშვილისა

უსიტყვოდ



„ჩვენს სოფელში გზები შეაკეთებელია, ტელეფონისა რადიოს ხაზები გასაყვანია... — სწერდნენ რედაქციას ტყიბულის რაიონის სოფელ გურნიდან.

სახალხო დეპუტატების ტყიბულის საქალაქო საბჭომ რედაქციას მოსწერა, რომ წერილში მოყვანილი ფაქტები სწორია, გასულ წელს ძირითადად დამთავრდა ორპირ-გურნის საავტომობილო გზის რეკონსტრუქცია-გაფართოება, დაწყებულია მოსაფალტების სამუშაოები.


შიდა სასოფლო გზები მთლიანად მოხრეშულია. აქეამად გურნაში შენდება 50-ნომრიანი ავტომობილური ტელეფონის სადგური, რომელიც ექსპლუატაციაში შევა მიმდინარე წლის ბოლოსათვის, გათვალისწინებულია სოფლის მთლიანი რადიოფიცირება.

რედაქციაში შემოსულ კოლექტიურ წერილში აღნიშნული იყო, რომ გლდანის მასივის VIII მიკრორაიონის 27-ე კორპუსში ხშირად ირთვება ელექტროენერგია, სახმელი წყალი გაბინძურებულია, კორპუსის ტერიტორია კი — კეთილმოწყობილი.

თბილისის სახალხო დეპუტატების გლდანის რაისაბჭოს აღმასკომი ამის შესახებ გვატყობინებს, რომ წერილში მოყვანილი ფაქტები სინამდვილეა. სახმელი წყლის გაბინძურების სალიკვიდაციოდ სასწრაფოდ გამოიკვალა გლდანის მასივის VIII მიკრორაიონის II კვარტალში წყალგაყვანილობის მილები, რის შემდეგაც კორპუსს უკვე ეძლევა სუფთა სასმელი წყალი. ოპერატიულად იქნა მიღებული ზომები ელექტროენერგიის შეუფერხებლად მიწოდებისათვის. რაც შეეხება კორპუსის მიმდებარე ტერიტორიის კეთილმოწყობას, ჯერჯერობით ეს შეუძლებელია, რადგან აღნიშნული ტერიტორია მშენებარეა და მიმდინარეობს საცხოვრებელი კორპუსების მშენებლობა.

„საბურთალოს რაისურ სათვარჯის №10, №38 და თბილისამურნეო ვაჭრობის №5, №32 მაღაზიებში ვაჭრობის წესებს არღვევენ.“ — სწერდნენ რედაქციას.

თბილისის სახალხო დეპუტატების საქალაქო საბჭოს აღმასკომის საცალო ვაჭრობის სამმართველომ, რომელსაც რედაქციამ წერილი რეაგირებისათვის გადაუგზავნა, ამის თაობაზე გვიბასუხა: თქვენს მიერ გადმოგზავნილი წერილების საფუძველზე შემოწმებულ იქნა ზემოაღნიშნული მაღაზიები, რის შედეგადაც გამოვლინდა ვაჭრობის წესების დარღვევის ფაქტები. მაღაზიების (№10, №38, №5, №32) გამგეებსა და გამყიდველებს გამოეცხადათ საყვედური და გააფრთხილეს, რომ ანალოგიური ან სხვა სახის დარღვევების შემთხვევაში, მათ მიმართ გატარდება მკაცრი ღონისძიებანი.



ეროვნული
ბიბლიოთეკა

დავიცვათ ზომიერება!

ყველამ ვიცით, რომ ჩვენებური სუფრა განსაკუთრებული სიუხვით გამოირჩევა, რაც ხშირად გვავიწყებს ჯანმრთელობისათვის ესოდენ აუცილებელ ზომიერებას. ზომიერება კი არამარტო ჩვენ წავადგება, არამედ იგი საშუალებას მოგვცემს მციროდენი წვლილი მაინც შევიტანოთ თანამედროვეობის ერთ-ერთი ურთულესი ეკოლოგიური პრობლემის გადაჭრაში.

ასე მაგალითად, თუ საქართველოს მოსახლეობა საშუალოდ ერთ კილოგრამს მაინც დაიკლებს წონაში, ეს სუთი მილიონი კილოგრამით შეამცირებს დედამიწის წონას. ამას ჩვენ პრესის, ტელევიზიისა, რადიოს, ინფორმაციის სხვადასხვა საშუალებებით მთელ მსოფლიოს ვამცნობთ და როდესაც პლანეტის მოსახლეობაც მხარს აგვიბამს, მაშინ ეკონომიკური ეფექტი ოთხ მილიარდ კილოგრამს ვადააჭარბებს! ხედავთ, რა პერსპექტივაა?! ნუ გეშინიათ, დედამიწა ამით მიზიდულობის ძალას არ დაკარგავს, პირიქით, უფრო მიმზიდველი გახდება. წინააღმდეგ შემთხვევაში, თუ ძველი ტემპებით განვაგრძობთ დამძიმებას, ადვილი მოსალოდნელია, რომ ჩვენი პლანეტა ჩატყდეს!

ზაქი



ნან. ზ. ლოლუსასი

— რატომ ჰქვია ამ სახინკლეს სპრინტი?
— აქ ხინკლებს სპრინტის ლატარიის ბილეთებით ხსნიან, იქნებ რომელიმეში ხორცი აღმოაჩინონ!

გორგი გულაშვილი

ბრძანება ადამიანებს ბევრჯერ შეუდარებიათ ერთმანეთისთვის მხვვილი და კალამი, როგორც ორივე ბასრი იარაღი თავთავის საქმეში.


ჩვენს დროში ასეთი შედარება უფრო მეტ აზრს იძენს, რაკი ისევე, როგორც ყველა საუკუნის მხვვილი, თანამედროვე კალამიც ქარქაშიდან ამოდის და ქარქაშივე ჩაივება.

ნამდვილი მხვვილის მსახვრალი ძალა ცნობილია.

უფრო მეტი ძალა აქვს კალამს, მაგრამ იგი კაცს მაინც არ უნდა კლავდეს, რადგან საგნობრივი დანიშნულებით გულში გასაყრელი იარაღი არ არის.

არც კალამი უნდა იყოს გარე თუ შინაური მტრის დამნობი, მაგრამ მას მაინც მეტი კეთილშობილება მოეთხოვება განაჩენის გამოტანის დროს, ვიდრე ქარქაშიდან ამოვლებულ ხმალს, ხანჯალს, დაშნას თუ გორდას.

მხედველობაში მისაღებია ისიც, რომ ხმლით, ხანჯლით, გორდათი თუ დაშნით მოქმედ კაცს ხშირად დაფიქრების დრო აღარ რჩება, კალმით მეომარს კი ცოტა უფრო მეტი გონების მოკრების საშუალება აქვს.



ლ ა გ ა მ ი

სანბრძლივი თათბირი მიმდინარეობდა დაწესებულებაში, მაგრამ საერთო აზრის გამოტანას საშველი არ ღადავდა.

მოულოდნელად, თავაზიანად კი წამოდგა, მაგრამ თავისი განსხვავებული ყურადსაღები მოსაზრება დაუკითხავად გამოთქვა დამსწრე რიგითმა მუშაკმა.

ყველამ და, განსაკუთრებით დაწესებულების ხელმძღვანელმა, რომელიც თათბირს ატარებდა, წარბეჭერით შეიცხადა ეს წარმოუდგენელი თავხედობა.

— ეგ კი არადა... — ანგარიშგასაწევი მოსაზრების განსჯის მაგიერ დამცინავად მიმართა მან რიგით მუშაკს. — აი, ის საქმე როგორაა, ამ წინებზე რომ დაგვაულებე! მგონი, თავი ვერ გავართვი... ჰა?!

ცივწყალგადასხმული და პირში ჩალაგამოვლებული რიგითი მუშაკი ენაგადაყლაპულივით მოწუსხული დაეშვა სკამზე.

ნიშნისმოკებით შესწენული რომელიღაც საქმის თაობაზე მისი განმარტების მომსმენი ისედაც არ იყო ახლა დაწესებულების ხელმძღვანელი, მაგრამ მეტიჩარა მუშაკის მორიგი გამოხდომისგან საიმედოდ დაზღვეულმა უფროსმა თათბირი დამშვიდებით გააგრძელა.

შ ა ვ ლ ი

ზამთარი უსაშველოდ გაჭიანურდა, გაიწელა და გაზაფხულსაც უბოდიშოდ წაეტანა. უკვე ყვავილობაც დაიწყო, მაგრამ კიდევ ჩამოყრიადა ხოლმე სველ, მძიმე ფიფქებს, რომლებიც უშალ თოვლჭყაპად იქცეოდა და ყველას აღიზიანებდა. ხალხს

ყველს, ვინც ბიორგანიზმულ სფეროში იცნობდა, იცნობდა მას ფიქრიან კაცად. მწერალს, უფრონაღისტს, მამულიშვილს სწორედაც ბევრი ჰქონდა საფიქრალი. ყოველთვის ასეა, როცა საქვეყნო საქმე, ხალხის სატიკვარ-საზრუნავი საკუთარ სატიკვარადაც გაქვს ქცეული და დღენიადაც იმის ფიქრში ხარ, ჩემს ერსა და ჩემს სამშობლოს რით გამოვადგე, რით ვუჭირისუფლო! მაგრამ როცა ბატონი გოგი იღიმებოდა, ეს ღიმილი გულიდან მოდიოდა და უცნაურად გადამდებოდა იყო.

დაცინვა არ იცოდა, მაგრამ უფაქიზესი ირონია (ზოგჯერ თვითირონია) ხშირად ჩანდა მის საუბრებში, მის ნაწერებში. რისკენ იყო მიმართული ამ ირონიის ისარი? — ადამიანის ქედმაღლობი-

სა და არათავმდაბლობისაკენ, ბაქიობისა და ყოყოჩობისაკენ, უფიცობისა და დიდგულობისაკენ, კარიერისტობისა და ბიუროკრატობისაკენ, უზნეობისა და მეტიჩრობისაკენ... ხოლო თუ კაცი ერის შემარცხვენიელ საქციელს ჩაიდენდა, გორგი გულაშვილის ირონია მრისხანე სატირად იქცეოდა და ასე მგონია, ძველი დრო რომ ყოფილიყო, დუედშიც გამოიწვევდა ასეთ კაცს, როგორც ერთხელ ეს დავითი ძლდინაშვილიმაც გააკეთა..

შე და ჩრდილივით განუყოფელი ფიქრი და ღიმილი ბიორგანიზმულ სფეროში მწერლური და ადამიანური არსების ორი მხარე გახლდათ.

ნარბიზა მგელაძე

გამრუდებული ლურსმანი

კვილი ხელმადლი იანი ხელოსანი ლურსმანს პირველივე მარჯვე დარტყმით ქუდამდე აძვრენდა ფიცარში. ერთხელ კი კვერმა უმტყუნა და ლურსმანი წელში მოეკაკა. შემგებარმა მოსუცმა უშალ მალულად მთელი საამქრო დაზვერა და ასე იგულა, რომ მისი მარცხი არავის დაუნახავს, თუმცა ერთს მაინც შეასწროთვალი — ჯერ სრულიად ახალგაზრდა, იმედის მომები დურგალს, რომელსაც საამქროში ნაადრევად აქებდნენ და აყოყონებდნენ.


ახალგაზრდამ თავი იმით

გასცა, რომ მოსუცი ხელოსნის მარცხზე მოურიდებლად ჩაიფრუტუნა. მაგრამ ფრუტუნთან ერთად მას კვენსაც აღმოსდა, რადგან სხვის აბუებაში თავად კვერით თითი დაიჩქქვა.

არც ერთის მარცხი არ გამოპარვია შუანის ოსტატს, რომელიც შემინულ ჯისურში უწყისს ადგენდა და დროდადრო საამქროს თვალს ავლებდა. ახალგაზრდა მუშის წინდაუნდობაზე ოსტატმა სინდისის ქენჯნით თავისი სიყრმე გაისხენა და სათვალეს სინანულის ღიმილით დაუწყო წმენდა. ოსტატი თვალის-

ჩინივით უფრთხილდებოდა სათვალეს და უკვე აღარ დასცინოდა სათვალის იმ დღიდან, რაც სათვალე მასაც დასჭირდა.


ახალგაზრდა დურგალიც ხანში შევიდოდა და სხვის ხელისმოცარვაზე აღარ გაცინებოდა.



წუწუნებდა, ასე თუ გაგრძელდა, სანატრელი გაზაფხულის გემოს ვერ გავიგებთ, თვალსა და ხელს შუა შეუმჩნევლად გავიქრებო.

„უკანასკნელი თოვლი ჰგავს სუფრასთან ნადიმის დასასრულს გაჭირვებულ სტუმარს, რომელიც თავისთვის უკვე დაკარგულია და სხვის აუგემურებს. ასეთი თოვლიც მომამბურებელია და სტუმარიც“. — ასე ვაი-

ფიქრს ერთი კარგი ოჯახიდან ღამე გამოსულმა სტუმრებმა. ისინი გულნაკლული იმიტომ იყვნენ, რომ ჯერ იყო და, კეთილ მასპინძლებს მთელი წვეულება აუშალა ერთმა ზომაზე მტეად ნაყლაპმა და უხეიროდ ატროკებულმა სტუმარმა, შემდეგ კი აგერ ქუჩაში გამოსვლისთანავე შეეფთნენ უკანასკნელ თოვლს, რომელსაც ყაველი დიდი ხანია გასვლოდა.



№ 475
24.VII 1986

ზოგიერთების სენი

ბალადა

კაცია — თეთრი საყულო და ღიპიანი ფრაკი; დაბალი, სამაგიეროდ, ჩვენზე მაღალი რანგით. ბუნებრივია — ცისფერი „ვოლგა“ აკითხავს რაკი, იმისი შესაფერისი ექნება აგარაკიც, ნაგები — მკვიდრად ნაგები! — არ უნდა ლაპარაკი!

სულაც არ გაუჭირდება — ხვალ-ზეგ დაიცავს სარისს რითმაზე, მე რომ მჭირდება — ხარის — თვალები ხარის!.. სომ უნდა ჰქონდეს, ასე ვთქვათ,



პაწა იმედი ხვალის: ერთი ჰყავს — ლომის ბოკვერი, ოთხი — სარჩენი ქალი!.. დიდება, — საშვილიშვილო ვინც მოიხადა ვალი!

მიირთმევს ფრანგულ კონიაკს, იმერულს სწუნობს არაყს, ზოგჯერ ამიტომ, ჰგონიათ, არაქსში ურევს არაგვს; მე კი, უმეცარს, მეგონა, რომ ფრანგს არაქსი არ აქვს...


მაგრამ იმაზე კმათი — ნაყვია წყლისა, — კმარა! — თუ არ ვარგინარ. საყვარლად, მით უარესი — ქმარად!..

ცოლები გადაგვირია, — რად არ ბაძავთო ამ კაცს?! სულ რაღაც ორ-სამ კვირაში იმკისო წლობით სამკალს. იმაზე არას ამბობენ, — სხვაგან საყვარლობს სამ ქალს (სამ ქალს რა რითმაც უნდება, მე მათგან ვიცი — „სამკა“...).

ისე, უშმაკმა დალახვროს, არ უნდა იყოს ცუდი, — ყამიყამ სული მოითქვა რამოდენიმე წუთით, თუ, რა თქმა უნდა, — ქიციანი არ უნდა ამას კუდის, — ერთხელაც არ გხურებია თავზე ნამუსის ქუდი!


ჩვენ ვკვდებით ყოველდღიურად, ცოცხლად ამოგვიდის სული, წინსაფრიალი ცოლების თვალებით დაისრული, როცა იმ კაცის ხასხების კაბების შარიშური ქალაქს დილიდან აგიყვებს აღერგიული შურით.

„ — ნეტა, ის, შენი, არ იყოს გოეთე, ან ვე დოდუ...“ — მწარე სიცილით ჰყვებიან



ცოლები ანეკდოტებს. უფალმა ნუმც მოგვიშალოს მათი სიცილი, ოდეს

ქუჩაში მოვაფართხუნებთ განიერ შარვლის ტოტებს; სხვები თუ პევანან პინგვინებს, ჩვენ ვეავართ მიკიოტებს: ის დროა, ამ სიბერის ფაშს, ხმაძალდა მივიკიოდეთ ჩვენსმდე ჯერ მოუღწეველ და უკვე გასულ მოდებს (მადლობა, ვინც ჩვენს გასაჭირს ხვალ მთელს ქვეყანას მოდებს!). კერპებად არ გაგვიხდია — თაყვანს არ ვცემდით ზოდებს.



მეგვინდოს აზრთა განმრიგებ, ლექსებით თუ რამ ვცოდეთ! ეტყობა, მუზის მსახურნი, აქაც ჩამოვრჩით მოდებს; ჩაიხედავენ წიგნებში — გაეცინებათ მოთებს.

„ — როგორც ეცვათ შარვალი, ლექსიც იმგვარი შვენიო!“ — იტყვიან, და ეს იქნება აღიარება ჩვენი!..

ან ლექსი, ანდა შარვალი რა ჰირად გვინდა, რა ქვად, თუ დაირცხვინა ბავშვობის ქუჩის დროდადრო დაგვა?! მიჯობს, ამ ლექსის არ იყოს, შარვალი დიდი ზომის და — საესე მადლიერებით — თვალები მეუზოვის!

მიჯობს, ამ ლექსის არ იყოს, შარვალი დიდი ზომის და — საესე მადლიერებით — თვალები მეუზოვის!

ჩვენ რომ გადავამეტებთ, სხვა რომელი ქვეყნის ურჯუკს დაესიზმრება, სხვა ვინ დაიკვეხნის?! ვერა, ვერ წარმოიდგენს სანაპიროც სენის, რანაირი სენი გვჭირს, უცნაური სენი!

პირში ვისაც ვადიდებთ, დავადვენებთ რისხვას. სხვას არც დაესიზმრება ჩვენზე მაგარი სხვა.

ვაი, ჩვენი სიბეცე! — გვიან შეგვიტყვია! — რიკოშეტი გვიბრუნდება გასროლილი ტყვია!..

რუსთაველზე გავივლი, ფარს შევიძენ ბარემ. არა, მკერდზე კი არა, ზურგზე ავიფარებ.

ვერა, ვერ წარმოიდგენს სანაპიროც სენის, რანაირი სენი გვჭირს, ვადამდები სენი!

ისე ვკარგავთ ერთმანეთს და ვიმეტებთ, თითქოს უკვე აღარ ვჭირდებოდეთ კრწანისსა და დიდგორს!

ნუ გასწირავთ, ბიჭებო, შოთას, სულხანს, დავითს! — უფრო გამოადგებიან ერს ცოცხალი თავით!..



ილუსტრაციები
პ. ლოლუასი



საბირისა და იუმორის შურნალი „ნიანგი“ № 13 (1719). ივლისი. გამოდის 1923 წლის ივნისიდან.

მთავარი რედაქტორი ზაურ გოლშაძე

სარედაქციო კოლეგია:

ავთანდილ ადგიშვილი (პასუხისმგებელი მდივანი), ჭაბუა ამირეჯიბი, ნოზალი ბარათია, ბორის გურგუთია, რევაზ თვარაძე, ჭამალ ლოღუა, ნოდარ მალაზონია (მხატვარ-რედაქტორი), ალექსანდრე სამსონია, ბეჯან სიხარულძე (მთავარი რედაქტორის მოადგილე), ჯანსუღ ჩარკვანი, თამაზ წიგწიაძე, ნაფი ჭუსოთი.

ტექნიკური რედაქტორი ირაკლი დუნდუა

გალეცა ასაწყობად 9.06.86 წ. ხელმოწერილია დასაბეჭდად 15.07.86 წ. ქალაქის ზომა 60X90 1/4 ფიზიკური ნაბეჭდი ფურცელი 1,5, საარტიცვლო-საგამომცემლო თაბახი 1,9, საქართველოს კვ. ცვ.ის გამომცემლობა, ლენინის, 14. შეკვ. 1420 ში 05090 ტირაჟი 143.000. შურნალი გამოდის თვეში ორჯერ. რედაქციის შემოსული მასალები ავტორებს არ უბრუნდება.

ჩვენი მისამართი: 880008. თბილისი-8, რუსთაველის პროსპექტი № 42.

ტელეფონები: მთავარი რედაქტორის — 99-55-54, მთ. რედ. მოადგილის — 93-19-42, პ/მგ მდივის — 93-10-78, მხატვარ-რედაქტორის — 99-02-38, განყოფილებათა გამგებების — 93-49-32, რედაქტორ-ლიტმუშაკების — 99-02-38, მდივან — მემანქანის — 99-76-69.

საქრებულო

პოლიტიკური ფლაგონი

დასავლეთი ევროპის ქალაქების მომსახურე ცივი სიზვიადე, ამერიკის ცათმბუჯუნების დამორგუნავი სიმბლდე, საფირმო რეკლამებით აჭრელბული ფასადებით ფასდება.. რეკლამები გვაუწყებენ, რომ იყიდება პეპსიკოლა და კოკა-კოლა, იყიდება ვისკი და კოქტეილი, იყიდება ცივი და ცეცხლმსროლელი იარაღი, იყიდება ყველაფერი, რასაც კი მოისურვებ, იყიდება ბითუმად თუ განვადებით, ნისიადაც მოგცემენ, ოღონდ გვაუდეთ... გქონდეთ ფული — თავმდები!

ფულიან კაცს ელოდება ფერადი ლიმუზინი, გაწყობილი სერვისით, ბენზინით; ელოდება კომფორტაბელური ვილა და ფუშენებელური პორტელი, ელოდება პოლი-კამინეტი, სეიფი აქციებით, დივიდენდით. მისია კაზინო, სტრითიზი, კაზარე, კლუბი, რესტორანი, კაფე-შანტანი...

მდიდართა კვარტალების რა დალევს ცთუნებებს, ისინი მრავლდება, ვით ნაკელზე სოკო, იჭით კი, ქალაქგარეთ, ლატაკათა უბნებში, ქონმანთა ფასადებზე სად ნახავ რეკლამას?! არ არის არც ცთუნება და არც ფუფუნება! რის სოკო, რა სოკო?!

ვიწრო ჩინები!.. უდიდამო სახლების ვიწრო სარკმლებში ჩაშქრალა ელექტროს, ხალისის შუქი, აქ განიერი ქუჩით მოდის სატეკივარი, გადსასადი, ჯარიმა, შიში!.. განიერი ქუჩებით მოდიან სანდ-ინებიც — მკერდზე ფირფიცარგაკრული ადამიანები, თავიანთ გაჭირვებას წერენ ფირფიცარზე, რათა წააკითხონ ბოქებს!.. წააკითხონ, თორემ მათი სიბრალული ერთბაშად მთელი სენატი თვალებს დაიოსებს! აქ ფასი არა აქვს ხნობრივ ღირსებებს, სურდავდება ფულზე „პერსონა გრატა“, მდიდართა კვარტალში სიგარაგანრილი ვინმე ბიზნესმენი ტოტალიტატორში ათასებს ფანტავს. აქ ფართო ქუჩით დაძრწის ძალადობა, ყოველ წუთს, ყოველ წამს ვილაცას კლავენ, ვილაცას ძარცვავენ, ფულს, ნამუსს ართმევენ, ვილაცა თავს იკლავს დასერილი, ბითური... ვილაცა კოტრდება, მიცურავს უფსკრულში, ქონება, ცხოვრება სხვას რჩება ოხრად!..

აქ ჩამოწერილ ძველმანს და ნახმარს, ზოგჯერ ახალსაც, კარვს და ფახელს, სხვა აქვს ზაზარი-აუქციონი.

საჯარო ვაჭრობით, ჩაქუნის ცემით სტუწნაობს ფასი ზევით და ქვევით. ჭარს შიპქვს გაკოტრებულითა სარჩო-საბადი... ვის — თავს ჭრიან სირცხვილით, დარდით,

ვის — ფულს მიხვეტს ნიჩბით, არნადით!..
სოლო გაკოტრებული კომპანიის, მთავრობის გაუფასურებულ სოციალური აქციებით სულ სხვა აუქციონზე იყიდება — შრომის ბირებზე!

აქ სახელმწიფოს საფუძველთა საფუძველი — სამუშაო ძალა — იყიდება! ძალა, რომელსაც ყველა ღირსება წართმევია, გაუფასურებულია, სოლო მათი პატრონები „ზედმეტ ადამიანებად“ ქცეულან კაპიტალისტურ სამყაროში.

უმუშევართა არმიებს, შრომის ბირებს ყოველდღიურად რომ აწყდებიან, უფასო წყალწყალა სუპის მისაღებად მდგარ მოგანოთარიგებს ყოველ წელს ახალ-ახალი ნაკადი ემატება — ახალგაზრდობა.

მოდინ ტანკენარი ქალიშვილები და ასოვანი ჯაბუკები, კოლეჯებისა და უნივერსიტეტების დიპლომებითა და მეოცნებე სახეებით მოაბიჯებენ შტრასკებზე და ავენიუებზე, მათ ჯერ კიდევ სწამთ „თავისუფალი სამყაროს“ მიერ აღთქმული სამოთხე. მათი სახით თვითონ სილამაზე მოაბიჯებს მომავლისაკენ გზის გასაგნებად, მაგრამ პირველივე ფირმის, კომპანიის, ქარხნის შესასვლელთან ტრიალა ტურნიკებს აწყდება და ზედ ემსხრევა იმდღი. ტრიალებს საწარმოს შესასვლელთან ტურნიკები, შიგინთ სათითაოდ უშვებს მხოლოდ იმ ბუნდირ გაპონაკლიებს, ვისაც სამუშაო აქვს.

ამაოების ზაზარზე მდგარ ქალიშვილებს და ჯაბუკებს რომ შეხედავ, უნებლად გასხენდება შუა საუკუნეების მოწების ზაზარი, ახლაც, როგორც მაშინ, ამაოების სენმორეულ აუქციონზე ფასი დაპარკვია ყოველგვარ ადამიანურ ღირსებას, ფიზიკურ და სულიერ სილამაზეს და ოცნებაც ძლიერთაგან ფესქვემ სათელი, აბუჩად ასავლები გამხდარა.

დაღვრემილი სახეები, ჩაშქრალი თვალები, უსიცოცხლო მზერა, — ასეთი გარეგნული ნიშნებით და კიდევ დიპლომებით გამოარჩევი შრომის ბირებზე ახალბედებს, სასწავლებლებიდან რომ მოსულან და ახლა აღარ იციან, საით გადადგან პირველი ნაბიჯი — ქურდობის, ძარცვის, მკვლელობისა თუ ნარკომანიისაკენ. არის კიდევ ერთი გზაც — თვითმკვლელობა, რასაც არცთუ იშვიათად ადგებიან, რადგან ის ერთადერთი სწორი გზა შრომისა და შემოქმედებისაკენ სამუდამოდ დახშულია და პრომონოპოლისტური ჩინის აღმნიშვნელი საგზაო ნიშანიც ახლავს.

ასეთი ჩინის წინაშე დგას დასავლეთ ევროპის ქვეყნების 4 მი-

ლიონ 400 ათასზე მეტი ახალგაზრდა, მათ ნახავთ ბონში და პარიზში, ბოლონიაში და ბელფასტში. ყველგან მოდამი შემოვიდა „უნივერსიტეტის დიპლომის“ მაგიერ ისმარონ „უმუშევრობის პასპორტი“.

უმუშევრობის პასპორტით შევიძლია იარო იაფფასიან კაბარებებში, როგორც ამას მადრიდელი ანტონიო გარსია აკეთებს ბედით თანაზარებთან ერთად, რადგან მიანია, რომ „აზრი არა აქვს სამუშაოს ძებნას“, სოლო 19 წლის პარიზელი მამული პირდაპირ ამბობს: „ჩვენ ვმათხოვრობთ, სხვებმა ქურდობენ! ვითომ, რა განსხვავებაა?“

ლივერპულის ქონმანებში ერთადერთი აყვავებული „დარბი“ ვაჭრობაა. „ჩვენ თან ორი ვაჭიდეშია მძვინვარებს — უმუშევრობა და ნარკომანია“ — წუხს სამი შვილის დედა ჯონა კეიფი.

„ახალგაზრდობის უმუშევრობა — ეს კიბოს სიმსივნეა!“ — ამბობს საფრანგეთის პრემიერ-მინისტრი ფაბისუსი, — „ჩვენ უნდა ვებრძოლოთ მას!“

რომის უნივერსიტეტის პროფესორი ფრანკუო ფერაროტი კითხვის რუხიუმეს უკეთებს ყოველივე ამას: „ახალგაზრდობა აღარაფერს ელოდება იმ სოციალური სისტემისაგან, რომელიც მათზე არ ზრუნავს.“

დასავლეთ ევროპის ქვეყნებში მოდიან თაობები, რომლებიც ყოველწლიურად ერწყმიან იმ ზედმეტ რეზერვს სამუშაო ძალისა, რომელსაც „ხანგრძლივად უმუშევარი ახალგაზრდობა“ ჰქვია.

ასე ტბორდება უკმაყოფილება, დიდდება და უკვე ნაპირებს გადადის, მაგრამ სვე შეიძლება ტბორზეც აღმართოს მისისანების ზვირთი?!

მანამდე კი დასავლეთის ქალაქებში კვლავ და კვლავ გაისმის აუქციონის ჩაქუნის რიტმული კაკუნი!..

საჯარო ვაჭრობით იყიდება სილამაზე, ფიქრი და ოცნება სვალინდელ დღეზე!..

ალგუჯა მერაბიშვილი



Сатирико - юмористический журнал «НИАН-ГИ» (На грузинском языке) Тбилиси, пр. Руставели № 42. Издательство ЦК КП Грузии, типография издательства ЦК КП Грузии, Тбилиси, улица Ленина № 14.

ფასი 20 კაპ. ინდექსი 76137